


元和唯亭志卷十四

孝友



書云惟孝友于兄弟蓋言友從孝出也人未有
孝道虧而能友恭者故孝為百行之先吾里敦
孝行而盡友于者指不勝屈謹錄其姓氏事實
以為子弟勵志孝友

明

高庸字季常啟從子永樂病成進士仕莆田知縣
性至孝出入必稟命於親親政或有失平父仲銘

元和唯亭志

卷十四

孝友

於廳事後擊板召責庸即趨跪受訓故境無冤獄
丁內艱歸父命課耕作執犁鋤立隴畔竟日雜糶
保中一日父怒欲掌其面庸請自掌遂至全赤服
闕改令餘姚卒於官

依縣志載

李恕鵠鵠城人事親至孝母病割股肉以療之病遂
愈鄉人稱為鵠鵠李孝子魏恭簡公校其元孫也

本魏恭簡公復姓疏。按鵠鵠疏作莊渠在今二十二都

蔣燾字仰仁進士廷貴子生自遺腹幼穎敏號神童
四歲母徐口授小學即成誦八歲達四子書諸經

十一屬文能作驚人語補郡庠博士弟子員十四
應南宮試自方岳重臣及部使者皆器重之比之
江夏黃童性孝謹受母教恭肅如嚴師十七夢上
帝召爲丹臺記室卒惜者方之李賀白玉樓事

邑志

參甫里志

王家梅字調所唯亭山人早失怙恃祖母撫養成立
家梅天性孝友事祖母色養兼備迨歿殯葬之具
親自總持期於無憾陳情表云臣無祖母無以至
今日祖母無臣無以終餘年其斯之謂與

王氏家譜

元和唯亭志

卷十四

孝友

二

王玉汝唯亭山人父尚賓吳庠生無意功名耽玩山
水徧遊四方不知所終玉汝有至性痛父出亡在
外朝夕流涕憂鬱而死

王氏家譜

姚木世居陸市里家貧傭作以養父父落魄不事生
產惟喜飲酒作詩木每見父緩步庭除作吟哦聲
卽私謂妻曰汝舅因無酒故詩不就汝可急温酒
以進父好飲常至夜分木必周旋候侍未嘗入室
隆冬甚寒無以供父饌遂躬捕河濱果得魚焉父
有怒則必跪怒未釋不敢遽起有時呼妻同跪必

得父之歡顏而後已

依府志載

顧俸字君榮號小山父雲

見人物傳

年十三失怙哀毀若

成人每哭輒絕廬無乾土終三年喪不與酒食事母益謹弟爵爲仇孽吏持之急弟亡捕者譁於堂母惶怖欲死俸遂詣邑代對處園土楚毒備至人多哂其愚俸曰人生等死耳死弟死親自可含笑入地妻子奚足念哉弟竟獲免母喜曰孟非獨生仲實惟生我家中落棄書就農桑收微值以供甘旨先是父歿時遺命葬於吳宮鄉一坏地至是豪

元和唯亭志

卷十四

孝友

三

右入術家言指爲吉壤乘其急以百金請俸曰卽不肖蟬腹其敢棄先人之命乎與弟急治窀穸豪不敢復睨母歿益哀毀殯葬不遺餘力每以母苦節未顯抱憾終身後邁疾子延醫來卻之曰幸矣吾得從先人於地下矣其終身孺慕如此

馮時可撰墓誌

銘

王堯仁字鍾南號伯唐會稽令承寵長子天性孝友父喜豪邁堯仁日具聲色輿馬之樂博父歡及父宦會稽公餘不輟絃歌堯仁恐父俸不給恒扁舟

造省以家資移潤宦囊父致仕歸更曲承善事春
花秋月家列賓筵日給罔倦寵嘗謂堯仁曰使我
費日益而家不損老將至而我不知者皆爾力也
弟與儉夫婦早世遺孤伊訓甫六歲撫踰已出延
師擇配任勞任怨略無渝念比成婚越二年而殞
又撫遺孤視若己孫矜護倍至久之季弟黼功歿
遺子龍躍復撫之成立將其父所遺產悉歸之嘗
捐貲重修狀元涇橋王店橋年七十四卒

節汪珮序太原

紀略

元和唯亭志

卷十四

孝友

四

顧所載字恒甫號岳宗父應麒

見人物傳

長庠生幼具異

質五六歲時已知成人禮比長事親篤孝性嗜古
凡經史通鑑皆校讐無遺每嘆曰丈夫功名無足
重要此以博堂上歡及親歿毀瘠屢絕曰天乎讀
書不能榮所生卽三公奚貴乎廬墓二十餘年朝
夕薦獻如孺子泣視兄弟子姪公食遞衣有張公
藝風叔無子姑無家迎養甚謹善施濟時傾囊橐
歲饑倡賑全活無算舉鄉飲賓以孫用霖貴

國朝贈通議大夫崇祀鄉賢祠

吳門表隱參
武陵宗譜

李文詠字蒼石魏恭簡公校從孫邑諸生父大經沂水知縣致仕家居文詠奉養備至萬曆二十七年冬父夜飲登樓就寢文詠寢其下聞爆烈聲披衣直上則烟焰焱赫而父尚鼾睡文詠哀號不知所爲僕李安急挽之出不可俄檟棟盡覆父子俱焚死火熄發視文詠屍猶覆其父父存全體文詠僅餘一股知縣樊玉衡上其事詔旌其門

明史參張大復王志

堅傳

王龍翔字子猶會稽令承寵孫孝行特著人無間言

元和唯亭志

卷十四

孝友

五

崇禎辛未巡按吳給孝思維則額以獎之

太原家譜

國朝

○王岫原名逢吉字汝從別字野民自號石林山人父時亨長庠廩生早歿岫時六歲擗踊哀號如成人母張砥節自守瘁女紅得衣食以長岫岫體母志刻苦向學未弱冠入邑庠有聲於時值思陵末葉寇賊蜂起荒旱洊至岫知時事不可爲遂偕從弟茂林隱於醫以活人吳中業醫者率視富貴貧賤而緩急之岫請卽赴風雨無間晝攜囊出夜負

米歸怡怡色養迨明祚既覆土寇四出剽掠响負
母逃難倉皇中踰垣出破面折足全家幾瀕於危
賴

王師南下迄以無恙時父棺未葬鄰人火將延及响
負母出復冒火入無計昇棺撫棺大慟誓與俱焚
適反風迴火俱得保全母病殫心力侍疾母歿哀
毀過情既葬廬墓三年每淒風苦雨响拊膺慟哭
聞者悲感曰王孝子哭聲也弟茂林歿事叔母如
母撫姪如子年八十二卒學者私諡貞孝先生長

元和唯亭志

卷十四

孝友

六

子家瓚亦以孝聞

○王家瓚字端臣一字緘齋號雲林少力學工書法
承先人志弗爲科第計父遺田數畝悉讓兩弟繼
父業賣藥爲活務濟人不計利一如其父得少值
奉二人滫瀡見者識其藥囊稱小王孝子別於老
王孝子故云其禱告藥王誓疏云或遇瀕危之症
盡心救療誓不惜名恕置或遇輕淺之疾卽時安
慰誓不張皇顯功或病果疑難學識未到必詳審
以待高明誓不耽延貽誤或遇富厚之家誓不倖

災攫利或遇當道縉紳隨緣調治誓不諛媚以玷
祖先或遇貧而無告隨力救濟誓不市恩而沽譽
執一得以誤人昧良心而罔利均弗爲之

全文見吳醫會

講亦可見其濟世之深心矣兩弟早歿婦俱守志

以二子分嗣之撫姪女如已出長姊適同里馬維
藩夫婦歿撫其遺孤成立并分給家業以慰父母
心母病竭力奉侍不解衣忘寢食者歲餘迨歿三
年中淚漬裋褐俱浥爛然夜輒飲泣不欲令父知
也父歿時年五十餘哭泣如兒時血枯骨立葬後

元和唯亭志

卷十四

孝友

廬墓與父同年六十六卒常以祖母叔祖母及兩
弟婦苦節家貧未獲請旌爲恨易簣時猶書兩世
雙節四字付其子曰我死不瞑目在此乾隆十七
年協辦大學士孫嘉淦給並紹雖陵額旌二王孝

子子灌長庠生

約沈德潛撰王氏兩孝子傳參家述

張方炯

雲林醫驗記略附

唯亭王氏世業儒兼岐黃術往明隆萬間有橘泉
公爲吳名醫子春林公與寒家屬姻婭知其參訪
高眞名山巨川足跡幾遍而察候治病無不神效
名不僅著兩浙也至吾石林表弟自幼攻舉子業
讀書過目成誦與余兄弟同師揣摩凡數年每以
倚馬才目之迨數奇不偶遂研心醫理療沉痾如

反手常有志四方以壽天下顧以幼齡失怙節母
在堂不敢遠遊但授書諸子蘭臺內經之傳諄諄
講習今長君雲林純篤性成溫恭孝友克紹先業
轉殆為安起死為生眾方漠然隔膜冀邀厚利而
雲林之赴之也急於救焚無貧富貴賤視人猶已
石林見其心存仁壽業既有成令歷覽名區少成
厥志而所至輒效指不勝臚余素欽其品神其
術敢內舉不避略述一二以告世之養生者
向長兒旭初當溽暑時忽昏憤幾不能生舉家
驚惶遍延名醫皆束手莫措因邀雲林視之曰
此疔毒也以燈照身有黑泡在背將藥塗
刀刺出黑血數滴遂神清氣爽毒亦頓消
虞山錢氏媳患小腹痛已二年餘醫者悉用調
經藥遷延不效一日忽潰內有虻虫小蛆而諸
醫亦即謂不可救適聞雲林
名買舟迎治不數日得全愈
敝居一鄰婦患乳癰已危因子得識雲林
不得已延之診視僅投四劑旋消此毒

元和唯亭志

卷十四

孝友

八

邢兄復雯浙中名流也阿咸大腿酸疼一年後
竟成跛疾且作痛不止一日復雯遠緘手札託
子致邀雲林往視知此症更遲數月便為廢人
乃概用針灸去腐肉無數膿血盈斗見者失色
未及一月得即奏效今
浙中雲林有神仙之號

○邱存禮字怡喬世居唯亭山後徙中營基巷父承

周諸生有文行存禮四歲失怙七歲讀論語至事
父母能竭其力問師得解歸即以不得事父向母
大慟既長事母盧甘脆無缺自食粗糲或不飽終
不令母知母愛鮮菌存禮日行數里外買歸後母
遭危疾倉黃出迎醫拾遺金臯橋畔待失金者至

還之而母疾一藥頓愈迨母彌留目不曉衣不解者匝月及其歿也哀毀骨立刻木肖像朝夕奉祀將葬柩出胥江遇風幾覆存禮躍浪扶舟風頓息既葬廬墓三年康熙十三年卒年六十八私諡端孝先生雍正五年以孝旌進士廷瀾庭澹舉人庭澹皆其後也

葉方藹墓碣湯萬煌等請旌事實合纂

○歸天錦字瞻雲聖脈子康熙辛酉科武舉人奉恩旨誥封武德將軍癸巳三月

元和唯亭志

卷十四

孝友

九

賜御宴帑金歸事親養志以孝友著鄉里念先人節孝未揚將松筠教子圖遍求當時名公碩儒詩歌紀序以表著之彙成六卷刊行於世

○蔣樹穀字長猷號湛菴元庠生鉉孫曾沂長子也祖父等停喪未葬樹穀家貧積館穀出息稱貸兩世六喪俱歸安土宗黨義之稱其孝行施太史震

銓有葬略跋

甫里志

○嚴漢鉦字鳴甫故居唯亭後遷吳淞江濱渡頭村年十三隨父入城父失足墮水漢鉦遂躍入水救

父幾與俱汨適有鄰舟救之俱得生家貧事親必竭甘旨怡怡愉愉色養兼備親偶拂意輒歌嘯舞蹈如孩子務期得解親顏父病劇夜半入神祠請命願以身代父歿三年中淚痕斑斑在枕事孀母葉尤曲體意旨壽至八十六終猶作孺子泣哭不成聲既葬日至墓所瞻拜風雨之夕哀聲動遠近皆曰嚴孝子哭父母也年七十卒乾隆年以孝

旌子一振采字開文能承父行

約沈德潛撰傳

○王嗣芳字廷紹唯亭人父旌彥長庠生潛修不事

元和唯亭志

卷十四

孝友

十

生產嗣芳弱齡卽能體父心服賈供色養嘗羈旅異縣歲除冰阻徒行風雪中百餘里備物以博親歡父病劇籲天求代母日起白花舌舐復明親歿哀毀骨立飲食必侍靈几三年依影堂出入必告從父茂文赤貧乏嗣及卒嗣芳以幼子繼之人稱爲義營葬地積勞成疾遂不起妻顧氏號慟欲殉親族曲諭苟延竭力營葬卒成夫志所遺田產雖極窘弗敢鬻命以爲家祠祭產乾隆二十六年督學使者劉文清公墉給白華翠竹額表嗣芳之孝

兼及顧氏之節云道光二十七年題 旌孝行郡

尊耿諱興宗有詩甫里志參 太原家譜

○顧思況字亦詩號深省父其蘊見人生有異稟五物傳

歲詢知前母鄭遺像拜跪如成人嗣遇忌辰無不

飲泣比長事親純孝父病危籲天祈禱明晨有一

道士款門授以金丹危疾頓起又舟至維揚忽然

心動疾馳歸里適當母病居喪泣血足不出幕隣

居失火撫棺號泣天即反風既葬與季弟思容廬

墓數載兄弟五人性敦友愛生同居死同穴皆世

元和唯亭志 卷十四 孝友 十一

所罕親者年六十九卒何焯傳

○吳星曙字彤翰崑岸生橫涇人父繼聲長庠增生

早捐館星曙喪葬盡禮事母備極孝敬親族以緩

急告曲為調恤兼精岐黃術卒年七十三子三元

雲元靈元露甫里志

○顧大鵬字蒼羽長庠附貢生父嗣雍秉鐸武進嬰

篤疾大鵬籲巡撫求奉父歸里醫療巡撫憐其誠

許之歸里遽歿大鵬哀號不絕聲者六晝夜嘔血

數升死何焯有傳顯微志

○顧茲智字遜愚號巽亭思況子積學工文章康熙
癸酉舉於鄉考授內閣中書尋改六安州學正凡
訓課生徒修理學校皆著勞績丁父憂歸哀毀骨
立幾不欲生服闋補壽州學正以母老辭不赴聞
者咸稱其孝王公大人書慕母辭官額以贈晚歲
以母病憂勞成疾母歿猶力疾相地營葬畢而卒
朱光發傳

○張正國字天球唯亭人父士隆年五十始舉正國
稍長抑搔扶持寢膳必與父俱士隆家故貧親族

元和唯亭志

卷十四

孝友

三

以緩急告思有以應正國默會父意曲爲調卹與
揭勿吝配王氏素受凌節君母教克循婦道勤女
紅以佐甘脆父病劇侍湯藥衣不解帶躬親浣洗
彌留時父謂所親曰子媳賢孝若此吾死無憾矣
及歿哀毀盡禮事繼母顧如事其父營葬地竭盡
心力墓在戎巷與所居違五里日往瞻拜風雨無
間者三年年四十斷絃不復娶與人交必誠信義
所當往奮不顧子二長安次錫教以義方人謂有

張仲家風焉

南里志

○李恕字止庵年十二匕臂肉以療母疾及歿結廬墓側舉鄉飲介賓子繩登賢書有文望

○高煜字金生陽城湖人事親至孝兄弟五人友愛甚篤父歿分授田宅器物悉讓兄弟自甘艱苦

二條

見吳門表隱

○衛公華宋文節公涇後裔唯亭人居家勤儉品行廉潔事親孝父君祥爲友人僕誣盜郡尊溫公而遜庭訊欲加刑公華號泣訟冤匍匐以代刑郡尊

嘉其孝嚴訊賊人廉得實情俱免釋後君祥歿公

元和唯亭志

卷十四

孝友

十三

華哀毀滅性益敬事老母先母卒彌留時誡其子文焯曰我未及終養吾母爾其善事之

家述

○蘇大德唯亭人本姓周螟蛉於蘇姓爲子父廣仁

早卒母顧氏家貧守志典質千文令逐刀錐給饗

殮大德銖銖兩兩漸至小康能副母志爲克家令

子娶王氏生子俊甫一歲王歿親黨勸其續娶大

德毅然曰吾母冰操孀居子無再娶之理一時稱

爲母節子義云

本胡裘錡撰其母顧孺人傳

○沈騰龍字凌霄國學生敦至行持家行己一以始

祖家訓爲則輯宗譜睦親族父得痺症臥牀十載侍奉湯藥寒暑無間鄉黨咸稱其孝迨歿哀毀過情踰半年亦卒

先高祖凌霄公傳
謹錄家傳編入

○衛文焯字德藻號詡軒公華子性孝友三歲失恃祖母沈撫養成立年十六喪父連遭祖父及繼母兄孀之喪家益落伶仃孤苦險阻備嘗然每逢殯葬必竭力圖惟饗殮弗繼有不卹者撫幼弟姪女恩勤倍至及長爲之婚嫁奉庶母寡嫂不使失所幼弟早歿割已產以與弟婦嘗充社長貧人貸者

元和唯亭志

卷十四

孝友

十四

不能償出已粟以代輸邑侯周公嘉其勤公欲給匾獎勵力辭不受居恒每以不獲事親爲恨故終其身愛親敬長疏布自安凡遇親戚間子弟必訓以孝弟勤儉鄉里咸敬之年六十五卒

王岱
東傳

○顧秉忠字葵如號贅也少孤嗣伯父後善事兩親色養兼備親歿旣葬廬墓三年一夕忽心動因思父母葬域或有未安擇日啟視兩棺欹側墻有水痕急覓另厝冒寒雪衝風雨入山求地誓不得善地不歸後卜葬於崑山友愛同堂兄弟婚嫁有贈

喪葬有助人有急難傾橐拯救有古烈士風郡守姜公順蛟重其行延與賓筵方伯王公諱師書額以贈及歿沈大宗伯德潛誌其墓彭大司馬啟豐爲之傳

依邑志載

○顧開成字定業號澹亭國子生候選縣丞少好學善詩文事祖母張生則盡養死則盡哀篤友愛分產以義辭姪貧異居染疫親族罕有至者開成時年已耄扶杖旦暮往視爲之醫藥舉家由是得全救人難如救焚溺傾囊不惜

錢襄傳

元和唯亭志

卷十四

孝友

五

○顧日堅字銳軍號學圃祖嗣榮髫齡入泮有聲庠序日堅由附監考授州佐事親孝父歿一慟而絕竟夕始甦晝夜哀號鄰里爲之酸鼻篤於同氣喜施與好結納海內名士皆願與之交所居雅園座客常滿樽酒不空人咸以北海目之

蔣元益傳

○沈世顯字羽周國學生少失怙怡怡友愛孝事節母先意承顏季父際昌年相若事之如父生則致孝歿則盡哀奉叔母若已母撫三妹若同胞尤爲人情所難治家整飭應世雍和補葺宗譜以繼祖

父未竟之志

先會祖羽周公傳謹錄家傳及節王淮撰吳興支譜序略編入

○王仁字心德號靜軒父永和見者仁國學生少穎

悟好學弱冠得咯血症遂棄舉業事親先意承志能得歡心母歿哀毀骨立繼遭父喪益痛血症復大作然與季弟經理喪葬皆合禮友愛昆弟長兄出嗣父遺田產仍分與兄季弟卒經紀其喪不爲苟簡尤敦一本誼欲建義莊以贍族人力未逮不果卒之日囑其子有慶曰義莊之舉爾其體吾志以成之道光丁酉義莊成旌善行贈奉直大

元和唯亭志

卷十四

孝友

六

夫

約顧椿傳參家述

○王守昌字憲珍號西疇國學生仁弟篤於孝弟內行醇備與兄同居數十載無間言生平敦氣誼重然諸爲人謀不避嫌怨族黨中有貧乏者曲爲贍卹遇歉歲則出粟以佐平糶里人德之節高翔麟撰墓表

○沈長齡字彰虞號南橋國學生少孤性豪邁好施與廣結納事母孝待兄敬爲人排難解紛里人有告急者傾囊相贈無吝吝亦無德色耆老咸羨稱之配胡氏有孝行會割臂肉以療母疾子二寅元

庠生宗朝太學生持家有則承先人志力行善舉
終身不倦

○沈長奕字耀庭號素菴國學生由衡工例銓選縣
丞性孝友嗜讀書尙節儉樂善好義耄齒不倦親
黨中以緩急告恒指困相贈凡梓鄉善事如建橋
築隄岸施棺代葬惜字送藥施夏帳捨棉絮皆
捐重貲以襄成之嘉慶甲子歲歉出粟平糶道光
癸未大水捐貲助賑郡尊李給德高施濟匾以獎
之癸巳患秋霖甲午春復出貲助賑并董辦唯亭

元和唯亭志

卷十四

孝友

七

廠賑給各旨不辭勞瘁事未竣而卒年七十五

○顧文耀字若初號稼軒貢生少嗣伯父後孝事孀
母先意承志稍長具母氏苦節陳請大吏具題

旌表母歿哀慕如孺子見者流涕居本生父母喪
亦如之篤愛同氣弟文鏹卒乏嗣遺三幼女爲之
相攸遣嫁無異所生年七十二以子春芳官贈朝
議大夫以壻韓封官贈榮祿大夫

○顧元珩字美叔篤志於學不憚攻苦事父母至孝
課徒得脩脯卽求父母所嗜之物雖嚴寒酷暑必

購得之以博父母歡母患筋骨痛元珩撫摩達日無倦容父母偶有間言元珩必多方勸慰甚至涕泣長跪求解必得兩人如故方起生平無他嗜好遇善事輒樂爲惜年方冠而卒

林衍源撰
顧孝子傳

○王桂馥字蔭蟾號聽霓國子生教諭潤子性孝謹父任全椒時以大母在堂畱家侍養父歿於學舍號哭奔喪扶櫬歸竭力營葬奉母備極孝養母病劇匕臂肉和藥進扶乩默禱求以身代已而母病果愈後先母卒易簀時以不獲終養爲憾誠其子

元和唯亭志

卷十四

孝友

六

善事焉

家述

○沈宗蕃字三錫號榆塘府庠生賦性醇謹持身端慤嗣母蘇砥節自守秉性嚴毅家人鮮當意者宗蕃獨先意承志得節母歡後節母病瞽趨侍左右朝夕不離迨歿哀過於禮經營殯葬必躬必親事本生父母亦如之友愛昆弟待族黨故舊甚厚有失所者必竭力扶持年五十五卒子一亮采元庠生

○王有經字企劉號半亭候選布政司經歷父守昌

卒有經年十五哀毀逾情治喪盡禮營窀穸極誠盡慎復築祠墓側疏池疊石構臺榭藝花木以安先靈事母備極孝敬姊妹四人相攸遣嫁咸得其所喜施與歲歉出粟平糶不足復採買於楚蜀以繼之他若捨棺掩埋及捐修黌官助建津梁罔弗殫心力以求實濟訓子有義方惜衣食務勤儉碩

德著於鄉閭年五十七卒

高翔麟傳

○邱大榮字翼藩號玉屏太學生性至孝親疾刲股以進道光二十一年以孝旌入祀孝行祠

家述

元和唯亭志

卷十四

孝友

九

○顧晉芳字受干號梧亭文耀子候選布政司理問性孝友事重闈並能先意承志撫兩幼弟分多取少恩義周至爲人謀忠與人言信好讀書工書法生平有硯癖鑿別新老坑具隻眼仿製古式間出已意斲製極精顏所居曰九十九硯齋晚飯心釋氏晨誦佛號百遍年六十七卒

韓對傳